



Ar 5.7.2024.

Bosnia and Herzegovina
Federation of Bosnia and Herzegovina

CANTON SARAJEVO
Institute of Sarajevo Canton Planning Development

Broj: 07-45-2410-1/24
Sarajevo, 04.07.2024. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 18. stav (1) i člana 25. Zakona o javnim nabavkama („Službeni glasnik BiH“ br. 39/14 i 59/22), Plana javnih nabavki Zavoda za planiranje razvoja Kantona Sarajevo za 2024. godinu, broj: 07-45-344/24 od 25.01.2024. godine, a u vezi sa Zahtjevom za pokretanje postupka javne nabavke broj: 07-45-2410/24 od 25.06.2024. godine i Mišljenja Zavoda za informatiku i statistiku Kantona Sarajevo, broj: 26-11-3853-16/24 od 24.06.2024. godine, direktor Zavoda za planiranje razvoja Kantona Sarajevo, donosi

O D L U K U

o pokretanju postupka javne nabavke robe „Server i backup uređaj“ putem otvorenog postupka provođenjem e-Aukcije

Član 1.

Odobrava se, shodno članu 18. stav (1) i članu 25. Zakona o javnim nabavkama, pokretanje postupka javne nabavke robe: „Server i backup uređaj“ putem otvorenog postupka.

- CODE: 30200000-1 Kompjuterska oprema i potrepštine
- Ekonomski kod 821300 u Budžetu Kantona Sarajevo za 2024. godinu, razdjel 27 Zavod za planiranje razvoja Kantona Sarajevo.
- Ukupna procijenjena vrijednost javne nabavke bez PDV-a (17%) cca 70.000,00 KM.
- Predmet nabavke je podijeljen na lotove, kako slijedi:
LOT 1: Nabavka servera. Procijenjena vrijednost: **15.000,00 KM,**
LOT 2: Nabavka backup uređaja. Procijenjena vrijednost: **55.000,00 KM.**

Član 2.

Javnu nabavku usluge iz člana 1. ove Odluke i izbor najpovoljnijeg ponuđača izvršit će Komisija za javne nabavke, na osnovu najniže cijene tehnički zadovoljavajuće ponude u skladu sa članom 64. stav (1), tačka b) Zakona o javnim nabavkama („Službeni glasnik Bosne i Hercegovine“, br. 39/14 i 59/22). Predviđena je e-Aukcija.

Član 3.

Za provođenje ove Odluke zadužuje se Komisija za javne nabavke.

Član 4.

Ova Odluka stupa na snagu danom donošenja.

Obrazloženje

U postupku rješavanja Zahtjeva za pokretanje postupka nabavke robe „Server i backup uređaj“, broj: 07-45-2410/24 od 25.06.2024. godine, utvrđeno je da je isti osnovan i da sadrži sve potrebne elemente za odlučivanje.


Pribavljeno je Mišljenje Zavoda za informatiku i statistiku Kantona Sarajevo, broj: 26-11-3853-16/24 od 24.06.2024. godine.

Pri donošenju ove odluke, direktor Zavoda se posebno rukovodio činjenicom da je nabavka neophodna, te da su ispunjeni svi uslovi za pokretanje iste.

Predmetna nabavka je sastavni dio Plana nabavki za 2024. godinu (tačka 1.11 Plana nabavki), te se odnosi na nabavku robe: servera i backup uređaja za potrebe Zavoda za planiranje razvoja Kantona Sarajevo.

Komisija za javne nabavke formirat će se od zaposlenika Zavoda za planiranje razvoja Kantona Sarajevo, a ista će, shodno Zakonu o javnim nabavkama i podzakonskim aktima, učestvovati u pripremi tenderske dokumentacije, te izvršiti ocjenu ponuda i izbor najpovoljnijeg ponuđača.

Iz navedenih razloga donosi se odluka kao u dispozitivu.



Prilozi:

- Zahtjev za pokretanje nabavke, broj: 07-45-2410/24 od 25.06.2024. godine
- Mišljenje Zavoda za informatiku i statistiku Kantona Sarajevo, broj: 26-11-3853-16/24 od 24.06.2024. godine

Dostavljeno:

- Služba za javne nabavke,
- Služba za pravne i računovodstvene poslove,
- Arhiva.